



**Broj: 01/-101/15
Vareš, 03.06. 2015. godine**

Na osnovu člana 35. i 49. Zakona o organizaciji organa uprave u Federaciji Bosne i Hercegovine („Sl. novine F BiH, br. 35/05), člana 15. stav 1. alineja 7. Zakona o principima lokalne samouprave u Federaciji Bosne i Hercegovine („Sl. novine F BiH“, broj: 49/06), člana 22. tačka 2., 11. i 24. Zakona o lokalnoj samoupravi („Službene novine Zeničko-dobojskog kantona“, broj: 13/98, 8/00 i 2/05), člana 22. tačka 18., a u vezi sa članom 33. tačka 10. Statuta Općine Vareš (Prečišćeni tekst), broj: 01-162/12 od 11.09.2012. godine, Općinsko vijeće Vareš na 28. sjednici održanoj 03.06. i 16.06. 2015. godine, d o n o s i

O D L U K U

o izmjenama Odluke o organizovanju općinskih službi za upravu Općine Vareš i Stručne službe Općinskog vijeća (Prečišćeni tekst)

Član 1.

U Odluci o organizovanju općinskih službi za upravu Općine Vareš i Stručne službe Općinskog vijeća (Prečišćeni tekst), broj: 01-285/13 od 22.10.2013. godine u članu 5. stav 1. tačka 2. mijenja se i glasi: „ 2. Služba za opću upravu, društvene djelatnosti i boračko - invalidsku zaštitu.“

Član 2.

U članu 7. naziv člana b) mijenja se i glasi: „**b) Služba za opću upravu, društvene djelatnosti i boračko - invalidsku zaštitu.**“

Član 3

Ova Odluka stupa na snagu osmog dana od dana objavljivanja na oglasnoj tabli Općine Vareš..

**PREDSJEDAVAJUĆI
OPĆINSKOG VIJEĆA**

Zdravko Marošević

Ova Odluka objavljena je na oglasnoj tabli Općine Vareš, dana 04.06. 2015. godine

OPĆINSKI NAČELNIK

Kovačević Avdija, dipl. pravnik

O b r a z l o ž e n j e

1. Pravni osnov za donošenje ove Odluke sadržan je u članu 22. i 33. Statuta Općine Vareš-Prečišćeni tekst, broj: 01-162/12 od 11.09.2012. godine.

2. Razlozi za donošenje ove Odluke proizilaze iz zahtjeva udruženja boračko invalidske zaštite Vareš da se jasnim definisanjem u nazivu Službi za upravu Općine Vareš u sastavu Službe za opću upravu i društvene djelatnosti naglasi i odsjek za boračko-invalidsku zaštitu, pa je logično da se i naziv Službe za opću upravu i društvene djelatnosti dopuni i sa dijelom boračko-invalidske zaštite.

3. Za realizaciju ove Odluke nisu potrebna finansijska sredstva.

**Ovlašteni predlađač
Općinski načelnik**

Kovačević Avdija, dipl. pravnik